

page :

M067

條目：

《文殊悔過經》

內容：

《佛說文殊悔過經》(14) 竺法護譯

1、文殊為如來齊光照耀菩薩說

五體投地(442 上~中) 首悔過——事懺(442 中~443 中) ——理懺(443 中) 發無上正真道意(443 下) 勸助(隨喜迴向)——隨喜功德(443 下~444 下) ——請轉法輪(444 下~445 上) ——請佛住世(446 中) ——供養諸佛(445 下) ——我及眾生同成佛道(446 上~447 下)

2、如來讚歎

1.「或問土界悔過之處，十地，十忍，十分別事，十瑞，十持，十印，十三昧定。」
(441 下)

華嚴類之大乘五體悔過法也。

出處：

1、文殊為如來齊光照耀菩薩說

五體投地(442 上~中)

※參見《佛說文殊悔過經》卷 1 (CBETA, T14, no. 459, p. 442, a3-b3)：

文殊師利即答如來齊光照耀菩薩：「是，族姓子！菩薩大士欲除罪業、奉行平等、入於過去當來現在佛法，**五體投地**尋復起立，右膝著地，口自說言：『一切眾生從於左路、著於左道，其在邪見，悉當立之於賢聖法。』」

「欲化一切眾生之類皆至無上正真平等之道，以是之故，右膝著地當宣此言：『猶若如來、至真、等正覺詣於道場坐尊樹時，蠲除一切眾惡之法、諸善普備，吾亦如之。』」

「觀首遍體以手摩之，重以右手而指于地：『吾當降魔并及官屬。若得佛道，令一切人、眾生之類，消伏魔事及外怨敵。』坐佛樹下指地要誓成佛聖慧，如本世尊右手指地降十八億諸魔官屬。以是之故，所以右掌而案著地，以當左手案著於地。」

「又跪左膝口說此言：『假使有人住愚癡法，所受顛倒而不順義、憊候難化、不成好器、慳貪垢穢而處危害、訾毀同學，今者識道，改往修來，而皆諦受於四恩行。』是

以左手及與左膝著於地矣。

「假使頭腦著於地時，口演此言：『使一切人棄除貢高、自大之心，孝順父母、奉敬尊長——若干種養——當以逮得無能見頂佛之髻相，越度一切世間諸法，身過三界，慧踰虛空。今吾自歸，以是**五體投地**禮德使諸眾生至成大道。』

「世俗之人生長五蓋，以此功德自然棄除五蓋之蔽、具足五根、究竟五力、絕滅五欲、逮得五通、遠離五陰、成就五眼。其在五趣眾生之類，獲致殊特五法之行、禁戒差特，三昧智慧修於解脫、度知見事。以是五體投地之德，陰蓋以消，住根、力者常念如來，未曾捨懷。

首悔過——事懺（442 中~443 中）

※參見《佛說文殊悔過經》卷 1(CBETA, T14, no. 459, p. 442, b3-p. 443, b7)。

——理懺（443 中）

※參見《佛說文殊悔過經》卷 1 (CBETA, T14, no. 459, p. 443, b7-c1)：

『如過去佛，諸天中天，本為菩薩奉行道時，皆悔諸罪、罣礙、陰蓋，吾亦若茲；當來、現在諸佛、世尊本所修改，我今悔過亦當如是。向尊自首歸命於佛——為上、為長、最勝殊特無上之德、為無等倫——諸佛聖慧巍巍無量，悉知一切世界所有眾塵諸數而得自在，普能曉了眾生心念。吾等之身從無央數阿僧祇劫，所行迷惑而自放逸，悔一切罪、陰蓋之患。如為己身所悔殃釁，及為地獄、餓鬼、畜生、在於五趣一切眾生罪所蔽者，今吾皆以五體代受而為悔過。』曉了微妙、除諸罣礙，已能遊入觀一切法。譬如虛空，所可悔者無罪、無報、亦無塵染。已入諸法、無罪蓋者乃為名曰悔一切過。

「是，族姓子！菩薩大士往古結縛、一切所行眾念妄想、財業因緣、所受依倚而住處所，皆當悔過。若使於中如此色像所受思想行不平等，當令明了一切無本。假使一切無所行者，乃能得入於斯本際、無想之際、無形想際、無有二際、無陰蓋際、無所得際、無身之際、離欲之際、無所習際、無所行際、無罣礙際、無所歸際、無所由際，是則名曰菩薩大士自首悔過——無有罪害，得至佛慧，滅除一切休息、殃釁、罣礙之蓋。」

發無上正真道意（443 下）

※參見《佛說文殊悔過經》卷 1(CBETA, T14, no. 459, p. 443, c2-11)：

文殊師利曰：「悔此一切眾罪過已，尋**發無上正真道意**，請為一切眾生之類除諸殃釁、使無罪蓋、令在世間成佛、正真，莫為聲聞、緣覺之乘。開化眾生，諸求度者吾當度之、諸未脫者吾當脫之、諸求滅度者當滅度之，為一切人救濟之宅。擁護自歸，導示道徑，將順燈明，光明之曜為眾將師、賈人、大導。以是如來十種之力，尋發意頃，令得莊嚴四無所畏、三十有二大人之相、八十種好、如來音響八部之聲，明識如來善

權方便，入眾生心。」

勸助（隨喜迴向）——隨喜功德（443 下~444 下）

※參見《佛說文殊悔過經》卷 1 (CBETA, T14, no. 459, p. 444, a4-p. 445, a1)。

——請轉法輪（444 下~445 上）

※參見《佛說文殊悔過經》卷 1 (CBETA, T14, no. 459, p. 445, a6-b1)。

——請佛住世（446 中）

※參見《佛說文殊悔過經》卷 1 (CBETA, T14, no. 459, p. 446, b5-c4)。

——供養諸佛（445 下）

※參見《佛說文殊悔過經》卷 1 (CBETA, T14, no. 459, p. 445, c11-p. 446, a5)。

——我及眾生同成佛道（446 上~447 下）

※參見《佛說文殊悔過經》卷 1 (CBETA, T14, no. 459, p. 446, a5-p. 447, c29)。

2、如來讚歎

※參見《佛說文殊悔過經》卷 1 (CBETA, T14, no. 459, p. 448, a1-9)：

於是，世尊則以道耳遙聞文殊師利之所講說，尋以讚曰：「善哉，善哉！仁快說此除諸菩薩罣礙罪蓋勸助入道。若有菩薩，儻聞說此勸助教者，即能奉持、諷誦、講說，如是不久皆當滅盡一切罪蓋，令無罣礙。如燈及燭入於冥室眾闇消索、猶如日出照于天下靡不蒙明、如盲得目、聾者得聽、瘖者能言、跛者能行、塞者得通。五陰自消、六衰則滅，昇於法堂、入于道室，超慧臺閣、處大聖殿。」

1. 「或問土界悔過之處，十地，十忍，十分別事，十瑞，十持，十印，十三昧定。」
（441 下）

華嚴類之大乘五體悔過法也。

※參見《佛說文殊悔過經》卷 1 (CBETA, T14, no. 459, p. 441, c11-24)：

「爾時，文殊師利菩薩遊羅閱祇耆闍崛山，與諸菩薩、不可稱計諸大弟子，天、龍、鬼神、乾沓怛、阿須倫、迦留羅、真陀羅、摩睺勒等眷屬圍遶，而為眾生廣說經法，開演分別志三乘學。其來聽者本學聲聞，尋問文殊四聖諦事；學緣覺者則已自問十二緣起深奧之事；學大乘者則從已行諮問，咸受六度無極、四等四恩，善權方便無極大道；或問神通、四無放逸、四等心行諸分別辯菩薩之道，三十七品不退轉地超入寂滅；或問土界悔過之處、十地、十忍、十分別事、十瑞、十持、十印、十三昧定；或有問於不壞諸法，入于一義無從生忍。文殊師利各隨所問而發遣之，可悅其心令無餘疑。」

條目：

《三曼陀跋陀羅菩薩經》

內容：

《三曼陀跋陀羅菩薩經》(14) 聶道真譯

1、金剛座處。三曼陀跋陀羅為文殊師利（二人為上首）說。

2、悔過（666 下~667 中） 自歸作禮（667 中~下） 願樂助其歡喜（667 下） 勸請（667 下~668 上）二事。 施與（迴向眾生及自己，發心，成佛）（668 上~中） 校德。

1. 「欲求菩薩道者，當整衣服，晝夜各三，稽首十方諸佛，作禮悔過，悔諸所作惡。諸所當忍者忍之，諸所當禮者禮之，諸所當願樂者願樂之，諸所當勸請者勸請之」（666 下）

「晝夜各三，勸樂法行：所當悔者悔之，所當忍者忍之，所當願樂者願樂之，所當請勸者請勸之，所當施與者施與之」（668 下）

「所可悔功德，所可忍，所可禮，所可願樂，所可請勸諸功德，……施與」（668 上）

2. 「般若波羅蜜、兜沙陀比羅經」（666 下）

3. 「須呵摩提，阿彌陀佛刹土」（666 下） 「生須呵摩提阿彌陀佛刹」（668 上）

4. 「如是一切諸罪蓋、諸垢蓋、諸法蓋（三障也）悉除也；一切功德，悉得具足。」（666 下）

5. 文殊、惟摩詰、三曼陀跋陀羅菩薩。（668 上）

6. 「十種力地」（668 中）

出處：

1、金剛座處。三曼陀跋陀羅為文殊師利（二人為上首）說。

※參見《三曼陀跋陀羅菩薩經》卷 1〈五蓋品 1〉(CBETA, T14, no. 483, p. 666, c7-22)：

一時，佛在摩竭提國清淨法處，自然金剛座，光影甚明，無所不遍照，與眾摩訶薩等無央數菩薩共會坐，三曼陀跋陀羅菩薩、文殊師利菩薩最第一。

文殊師利菩薩問三曼陀跋陀羅菩薩言：「若有人求菩薩道者，善男子、善女人欲得無蓋清淨者，當施行何等法自致得之乎？」

三曼陀跋陀羅報文殊師利菩薩：「若有善男子、善女人，欲求菩薩道者，當整衣服，晝夜各三，稽首十方諸佛，作禮、悔過，悔諸所作惡，諸所當忍者忍之，諸所當禮者禮之，諸所當願樂者願樂之，諸所當勸請者勸請之，如是一切諸罪蓋、諸垢蓋、諸法蓋悉除也；一切功德，悉得具足。

「般若波羅蜜、兜沙陀比羅經，一切三昧，一切諸陀隣尼，一切遍愁拘舍羅，是為諸經中尊將，如是者為已得禮一切諸佛，其意至心也。」

2、悔過（666 下~667 中）

※參見《三曼陀跋陀羅菩薩經》卷 1〈悔過品 2〉(CBETA, T14, no. 483, p. 666, c24-p. 667, b22)。

自歸作禮（667 中~下）

※參見《三曼陀跋陀羅菩薩經》卷 1〈願樂品 3〉(CBETA, T14, no. 483, p. 667, b24-c7)：

三曼陀跋陀羅菩薩言：「善男子、善女人，求菩薩道者，當作是願樂：『今某自歸曉一切，於諸佛諸菩薩、迦羅蜜及父母、諸阿羅漢、辟支佛及一切人，至心求哀，不可曉者，今皆曉之，如諸佛所知。如是者所可**自歸，為已自歸也**。』

「『復次，今某禮一切諸佛、一切諸菩薩、諸迦羅蜜、父母及阿羅漢、辟支佛，皆為**作禮**，最中、最上、無上、明中明、無有雙亦無比，如諸佛所知。如是者所當作禮，為已作禮也。』

「『復次，今某願禮諸佛功德，一切諸菩薩、諸迦羅蜜功德、諸阿羅漢、諸辟支佛功德及十方一切人所作功德，如諸佛所知。如是者，所當禮諸功德，為悉禮也。』

願樂助其歡喜（667 下）

※參見《三曼陀跋陀羅菩薩經》卷 1〈願樂品 3〉(CBETA, T14, no. 483, p. 667, c8-12)：

『是則菩薩慧。若善男子、善女人，有是功德者，**願樂助其歡喜**。若有逮佛慧者，所當願樂，某已願樂也。其未作功德者，今作功德，某皆願樂。其有尊，復尊所作功德，某亦願樂。持某所作願樂功德，令十方一切皆悉得也。』

勸請（667 下~688 上）二事。

※參見《三曼陀跋陀羅菩薩經》卷 1〈請勸品 4〉(CBETA, T14, no. 483, p. 667, c14-p. 668, a4)：

三曼陀跋陀羅菩薩言：「善男子、善女人，求菩薩道者，當作是**請勸**：『某至心請勸一切諸佛，今現在佛、阿耨多羅三耶三菩及至阿惟三佛，其已成悉等知、未轉法輪者，

某請勸諸佛，轉於法輪。今諸佛所轉法輪者，以用請勸故，所說經法，令一切人各得其所，悉令安隱。及諸天、龍、鬼神、乾陀羅、阿須倫、迦留羅、甄陀羅、摩休勒、人非人，其在泥黎、薜荔、禽獸諸勤苦中者，皆令得解脫。其無所曉者，皆令捨癡意，悉得正意，入於佛道。

「『復次，其諸佛所欲般泥洹者，某**請勸**且莫般泥洹，用一切人故，且自住無央數劫，以法身住為無所住。所說經法，令一切人各得其所。皆令勇猛，具足三曼陀跋陀羅菩薩法行。令一切人，悉以是為本，各得安隱。及諸天、龍、鬼神、乾陀羅、阿須倫、迦留羅、甄陀羅、摩休勒、人非人、泥黎、薜荔、禽獸，諸勤苦者，早得解脫。其無所曉者，令捨癡意，悉得正意，入於佛道。其作邪者，皆捨邪道，入於正道，悉住於本無法。』」

施與（迴向眾生及自己，發心，成佛）（668 上~中）

※參見《三曼陀跋陀羅菩薩經》卷 1〈請勸品 4〉(CBETA, T14, no. 483, p. 668, a5-b22)：

三曼陀跋陀羅菩薩言：「善男子、善女人，求菩薩道者，當作施與。『某所可悔功德，所可忍、所可禮、所可願樂、所可請勸諸功德；若欲作、若方作、若已作，諸所作功德，皆一切合會成就，為一福味。如諸佛法，如佛所知，是功德，便可所生致諸佛相，能得自恣法。諸所施與，已受施與而有施與，是施與為正施與，無所著斷。某持是法施與功德，令一切人，皆速得與法，皆令起意。如薩芸若施與等者，今某施與，令如三曼陀跋陀羅菩薩所行，持是功德令一切與。某莫墮泥黎中、薜荔、禽獸勤苦八惡道中生；皆令生有佛處、有菩薩處，皆令生須呵摩提阿彌陀佛刹。某持是功德，因某好心，具足遍發阿耨多羅三耶三菩心。』

「『某持是法施與之功德，為一切人，作舍作護。受其自歸為作度，於冥中作明、明中最明，於持中作持、持中尊持；一切人未度者，我當度之，未脫者，我當脫；未般泥洹者，我當令般泥洹。造作一切人，皆令發阿耨多羅三耶三菩心。』

「『某持是法施與之功德，令一切人與某身等，諸所生處，所可起意，常供養諸佛，供養諸菩薩，持前所作供養諸佛菩薩，令一切人與某身，不離菩薩法，不離迦羅蜜、文殊師利及惟摩竭與三曼陀跋陀羅菩薩等。是諸菩薩所行，皆具足陀隣尼清淨三昧，一心不動搖，皆以成就般若波羅蜜所行，悉以曉了漚沱拘舍羅，所入一切於諸法有差特，令一切人與某速得，是諸菩薩慧行而具足。』

「『某持是法施與功德，在其泥黎、薜荔、禽獸，拘繫縛束中人，皆令得解脫。其無眼者得眼，聾者得聽，其在勤苦中者皆得安隱；若在是佛刹及彼方佛刹，下至阿鼻泥黎，上至無極，其中間蠕動之類，有足無足者，若未來、若軟生、若化生、若色無色、若思想無思想，及一切人、非人，轉相猗著者，以時能持佛眼，見知悉覺，令一切皆得人形，入於佛道，聞法悉曉了受，皆得阿耨多羅三耶三菩提心。』

「『某持是法施與功德，令一切人與。某持是功德，悉逮諸佛等行，諸菩薩等行、諸迦羅蜜行，令一切人，皆至供養、起願，得諸佛刹，能令清淨於三世法，曉了能悉。譬如金剛，無所不穿。令一切人與，某皆令得佛智慧，而具足諸所感動能悉等。於諸深慧皆逮得，於諸法而無疑。持是功德令某具足願，如三曼陀跋陀羅菩薩法行，十種力地皆悉逮。以是為證。持是功德，願令一切人及某皆令得福。』」

校德。

※參見《三曼陀跋陀羅菩薩經》卷 1〈譬福品 5〉(CBETA, T14, no. 483, p. 668, b24-c6)：

文殊師利菩薩問三曼陀跋陀羅菩薩言：「若有善男子、善女人，欲求菩薩道者，晝夜各三悔過、勸樂法行如上說，其福者云何？」

三曼陀跋陀羅菩薩報文殊師利菩薩言：「若有善男子、善女人，奉行菩薩道者，持七寶滿閻浮提地內，供養怛沙竭阿羅呵三耶三佛，不如是善男子、善女人，晝夜各三勸樂法行，所當悔者悔之，所當忍者忍之，所當禮者禮之，所當願樂者願樂之，所當請勸者請勸之，所當施與者施與之，晝夜奉行，如上教。其福出於供養怛沙竭滿閻浮提七寶，百倍、千倍、萬倍、億倍、巨億萬倍，終不可比、不可計、亦不可譬。」

1. 「欲求菩薩道者，當整衣服，晝夜各三，稽首十方諸佛，作禮悔過，悔諸所作惡。諸所當忍者忍之，諸所當禮者禮之，諸所當願樂者願樂之，諸所當勸請者勸請之」(666 下)

※參見《三曼陀跋陀羅菩薩經》卷 1〈五蓋品 1〉(CBETA, T14, no. 483, p. 666, c13-19)：

三曼陀跋陀羅報文殊師利菩薩：「若有善男子、善女人，欲求菩薩道者，當整衣服，晝夜各三，稽首十方諸佛，作禮、悔過，悔諸所作惡，諸所當忍者忍之，諸所當禮者禮之，諸所當願樂者願樂之，諸所當勸請者勸請之，如是一切諸罪蓋、諸垢蓋、諸法蓋悉除也；一切功德，悉得具足。」

「晝夜各三，勸樂法行：所當悔者悔之，所當忍者忍之，所當願樂者願樂之，所當請勸者請勸之，所當施與者施與之」(668 下)

※參見《三曼陀跋陀羅菩薩經》卷 1〈譬福品 5〉(CBETA, T14, no. 483, p. 668, b26-c6)：

三曼陀跋陀羅菩薩報文殊師利菩薩言：「若有善男子、善女人，奉行菩薩道者，持七寶滿閻浮提地內，供養怛沙竭阿羅呵三耶三佛，不如是善男子、善女人，晝夜各三勸樂法行，所當悔者悔之，所當忍者忍之，所當禮者禮之，所當願樂者願樂之，所當請勸者請勸之，所當施與者施與之，晝夜奉行，如上教。其福出於供養怛沙竭滿閻浮提七寶，百倍、千倍、萬倍、億倍、巨億萬倍，終不可比、不可計、亦不可譬。」

「所可悔功德，所可忍，所可禮，所可願樂，所可請勸諸功德，……施與」(668 上)

※參見《三曼陀跋陀羅菩薩經》卷 1〈請勸品 4〉(CBETA, T14, no. 483, p. 668, a5-18)：

三曼陀跋陀羅菩薩言：「善男子、善女人，求菩薩道者，當作施與。『某所可悔功德，所可忍、所可禮、所可願樂、所可請勸諸功德；若欲作、若方作、若已作，諸所作功德，皆一切合會成就，為一福味。如諸佛法，如佛所知，是功德，便可所生致諸佛相，能得自恣法。諸所施與，已受施與而有施與，是施與為正施與，無所著斷。某持是法施與功德，令一切人，皆逮得與法，皆令起意。如薩芸若施與等者，今某施與，令如三曼陀跋陀羅菩薩所行，持是功德令一切與。某莫墮泥黎中、薜荔、禽獸勤苦八惡道中生；皆令生有佛處、有菩薩處，皆令生須呵摩提阿彌陀佛刹。某持是功德，因某好心，具足遍發阿耨多羅三耶三菩心。』」

2. 「般若波羅蜜、兜沙陀比羅經」(666 下)

※參見《三曼陀跋陀羅菩薩經》卷 1〈五蓋品 1〉(CBETA, T14, no. 483, p. 666, c19-22)：

「般若波羅蜜、兜沙陀比羅經，一切三昧，一切諸陀隣尼，一切漚瑟拘舍羅，是為諸經中尊將，如是者為已得禮一切諸佛，其意至心也。」

3. 「須呵摩提，阿彌陀佛刹土」(666 下)

※參見《三曼陀跋陀羅菩薩經》卷 1〈悔過品 2〉(CBETA, T14, no. 483, p. 666, c24-p. 667, a9)：

三曼陀跋陀羅菩薩言：「一切人身所行，口所犯，心所念惡，一切諸佛刹其中塵等起意念，一切諸惡，某皆為其悔過：『某從本所作為，有惡於諸佛、諸菩薩、諸迦羅蜜、父母、阿羅漢、辟支佛、怛沙竭護、怛沙竭寺神、怛沙竭法中，諸所犯過惡。須呵摩提，阿彌陀佛刹土，一切諸佛、一切諸佛刹、一切諸佛法，若有狐疑，起意不信者，某為其悔一切罪過。其有於一切諸佛、諸菩薩、諸迦羅蜜、諸父母、諸阿羅漢、諸辟支佛、一切諸人所可誹謗者，若恣隨欲、恣隨癡、恣隨自用，若有頑很，不與人語；若為貪婬所牽、為慳嫉所牽、為貪飡所牽、為諛諂所牽，七百五十諸欲所牽，其心亂時不能自專，為一切所蓋、為一切所畏，所起意有過失。今某皆為悔一切罪過。』」

「生須呵摩提阿彌陀佛刹」(668 上)

※參見《三曼陀跋陀羅菩薩經》卷 1〈請勸品 4〉(CBETA, T14, no. 483, p. 668, a5-18)：

三曼陀跋陀羅菩薩言：「善男子、善女人，求菩薩道者，當作施與。『某所可悔功德，所可忍、所可禮、所可願樂、所可請勸諸功德；若欲作、若方作、若已作，諸所作功

德，皆一切合會成就，為一福味。如諸佛法，如佛所知，是功德，便可所生致諸佛相，能得自恣法。諸所施與，已受施與而有施與，是施與為正施與，無所著斷。某持是法施與功德，令一切人，皆逮得與法，皆令起意。如薩芸若施與等者，今某施與，令如三曼陀跋陀羅菩薩所行，持是功德令一切與。某莫墮泥黎中、薜荔、禽獸勤苦八惡道中生；皆令生有佛處、有菩薩處，皆令**生須呵摩提阿彌陀佛刹**。某持是功德，因某好心，具足遍發阿耨多羅三耶三菩心。」

4. 「如是一切諸罪蓋、諸垢蓋、諸法蓋（三障也）悉除也；一切功德，悉得具足。」
（666 下）

※參見《三曼陀跋陀羅菩薩經》卷 1〈五蓋品 1〉(CBETA, T14, no. 483, p. 666, c13-19)：

三曼陀跋陀羅報文殊師利菩薩：「若有善男子、善女人，欲求菩薩道者，當整衣服，晝夜各三，稽首十方諸佛，作禮、悔過，悔諸所作惡，諸所當忍者忍之，諸所當禮者禮之，諸所當願樂者願樂之，諸所當勸請者勸請之，**如是一切諸罪蓋、諸垢蓋、諸法蓋悉除也；一切功德，悉得具足。**」

5. 文殊、惟摩詰、三曼陀跋陀羅菩薩。（668 上）

※參見《三曼陀跋陀羅菩薩經》卷 1〈請勸品 4〉(CBETA, T14, no. 483, p. 668, a25-b4)：

「『某持是法施與之功德，令一切人與某身等，諸所生處，所可起意，常供養諸佛，供養諸菩薩，持前所作供養諸佛菩薩，令一切人與某身，不離菩薩法，不離迦羅蜜、**文殊師利及惟摩竭與三曼陀跋陀羅菩薩**等。是諸菩薩所行，皆具足陀隣尼清淨三昧，一心不動搖，皆以成就般若波羅蜜所行，悉以曉了漚沱拘舍羅，所入一切於諸法有差特，令一切人與某逮得，是諸菩薩慧行而具足。』

6. 「十種力地」（668 中）

※參見《三曼陀跋陀羅菩薩經》卷 1〈請勸品 4〉(CBETA, T14, no. 483, p. 668, b14-22)：

「『某持是法施與功德，令一切人與。某持是功德，悉逮諸佛等行，諸菩薩等行、諸迦羅蜜行，令一切人，皆至供養、起願，得諸佛刹，能令清淨於三世法，曉了能悉。譬如金剛，無所不穿。令一切人與，某皆令得佛智慧，而具足諸所感動能悉等。於諸深慧皆逮得，於諸法而無疑。持是功德令某具足願，如三曼陀跋陀羅菩薩法行，**十種力地**皆悉逮。以是為證。持是功德，願令一切人及某皆令得福。』」